

**REZIMEI PODRŽANIH PROJEKATA
FOND ZA MLADE**

**Javni poziv za podršku projektima omladinskih organizacija i neformalnih grupa mladih
Broj poziva: 10 – FM – 2/2024; Broj protokola: KP-I-476/24**

Aplikant: Udruženje mladih žena GirlTHing

Naziv projekta: GTHub – colearning space

Odobreno sredstava: 6.000,00 KM

Projekat "GTHub - Zajednički prostor za učenje" ima za cilj uspostavljanje zajedničkog prostora za učenje u Sportskom centru Mejdan u Tuzli kako bi se riješio problem nedostatka dostupnih prostora za učenje za studente u Tuzli. Projekat bi obezbijedio pristupačan i opremljen prostor za individualno učenje, poboljšavajući akademsko iskustvo studenata i podržavajući inicijative za cjeloživotno učenje. Manji dio prostora služio bi i kao kancelarija Udruženja "GirlTHing", jačajući održivost organizacije i bolje usmjeravajući njen rad. Aktivnosti uključuju nabavku materijala, opremanje, adaptaciju prostora (farbanje, čišćenje, zamjenu podloga za pod), otvaranje, poticanje angažmana zajednice među studentima i civilnim sektorom, te promociju na univerzitetima i društvenim mrežama.

Aplikant: Udruženje mladih Trik

Naziv projekta: Mentalna oaza

Odobreno sredstava: 4.400,00 KM

U okviru projekta "Mentalna oaza", udruženje planira sprovesti aktivnosti usmjerene na unapređenje mentalnog zdravlja mladih. Aktivnosti uključuju sastanke s članovima udruženja, sastanke s Općinom Kalesija i potencijalnim partnerima, edukativne sesije o upravljanju stresom, interaktivnu radionicu o komunikacijskim vještinama, radionicu o emocionalnoj supresiji, kreativnu i opuštajuću radionicu, te promociju mentalnog zdravlja putem fotografije i grafičkog dizajna. Projekat ima za cilj pružanje angažovanog i podržavajućeg okruženja za mlade.

Aplikant: NG Omladinskog centra Lipe

Naziv projekta: Omladinski centar kulture i znanja

Odobreno sredstava: 5.237,00 KM

Neformalna grupa želi učiniti centar glavnim mjestom okupljanja mladih u Klokočnici. Cilj projekta je kreirati prostor koji promovise cjeloživotno učenje, kvalitetno obrazovanje i društvenu odgovornost, pružajući mladima prilike za rast i razvoj u sigurnom okruženju. Prvo žele urediti i očistiti unutrašnjost centra, koji je oštećen tokom poplava 2024. godine. Planiraju kreirati biblioteku i obogatiti je knjigama i časopisima. Nakon toga, planiraju organizovati različite radionice za mlade iz Klokočnice poput dekupaž zanata, pisanja projekata, kvizova i radionica za jačanje socijalnih vještina mladih.

Aplikant: Studentsko vijeće Fakulteta elektrotehnike
Naziv projekta: Ecosmart: Automatizacija za održivu budućnost
Odobreno sredstava: 4.868,00 KM

Projekat "EcoSmart: Automatizacija za održivu budućnost" ima za cilj edukaciju i osnaživanje mladih kroz savremene tehnologije. Projekat se bavi problemom neefikasne potrošnje energije i nedostatka svijesti među mladima o održivom razvoju, čime doprinosi rješavanju ekoloških izazova i optimizaciji resursa. Planirano je održavanje tri radionice o ugrađenim sistemima i tri radionice o mašinskom učenju uz podršku iskusnih mentora. Pored tehničkih radionica, planira se formiranje tima koji će razviti informativnu platformu za praćenje i predstavljanje rezultata projekta.

Aplikant: Vijeće mladih općine Teočak
Naziv projekta: Mala škola ekologije „Teočak“
Odobreno sredstava: 3.920,00 KM

Projekat "Mala škola ekologije" ima za cilj adresirati nizak nivo ekološke svijesti i slabiju osviještenost o zaštiti okoliša među stanovnicima općina Teočak i Sapna. Projekat namjerava doprinijeti poboljšanju kvalitete života, zaštiti prirode i društvenoj koheziji među mladima, potičući umrežavanje i promoviranje važnosti očuvanja okoliša. Aktivnosti uključuju uspostavljanje saradnje sa udruženjima iz Sapne i Teočaka, zajedničke edukativne radionice o ekologiji, ekološke akcije poput čišćenja obala jezera Snježnica i sadnje drveća, te umjetničku koloniju na temu ekologije i njene budućnosti.

Aplikant: NG Klub mladih Tignum
Naziv projekta: DemokratIQ – Kritičko mišljenje za svjesno društvo“
Odobreno sredstava: 3.756,00 KM

Cilj projekta je doprinijeti razvoju kritičkog mišljenja i povećanju političke pismenosti među mladima. Planirano je održavanje serije radionica na kojima će učesnici biti upoznati s osnovnim konceptima političke pismenosti i kritičkog mišljenja. Pored teorijskih sesija, planirane su i praktične vježbe te izrada kratkog videa u kojem će učesnici projekta podijeliti svoja iskustva. Projekat će se realizirati u Edukacijskom centru "Nahla" u Tuzli.

Aplikant: NG Mladi gimnazijalci
Naziv projekta: „SOBIČAK – Kutak za učenike gimnazije“
Odobreno sredstava: 5.788,35 KM

Projekat ima za cilj poboljšati školsko okruženje stvaranjem posebnog prostora za učenike gdje se mogu opustiti, družiti i kreativno izražavati tokom slobodnog vremena, pauza i nakon nastave. Učenici bi kreirali kutak za učenike pod nazivom "Sobičak" kroz oslikavanje zidova, krećenje, opremanje i dekoraciju prostora. "Sobičak" bi podsticao mlade na društvenu interakciju bez mobilnih telefona i razvijanje osjećaja pripadnosti školskom okruženju, dok bi ujedno pružao prostor za opuštanje i kreativno izražavanje.

Aplikant: NG NutriVibe

Naziv projekta: „Ishrana je temelj zdravog tijela

Odobreno sredstava: 3.090,00 KM

Mladi učesnici iz Medicinske škole Tuzla žele utjecati na promjenu navika među mladima i motivirati ih na zdravu prehranu. Ovu temu su prepoznali kao važnu na predmetu Demokratija i odlučili su djelovati kroz javno obrazovanje. Projekat je primarno usmjeren na edukaciju učenika medicinske škole kroz radionice, fokus grupe i kvizove, ali i drugih mladih u zajednici kroz javnu kampanju, distribuciju paketa zdrave hrane, letaka, te promociju edukativnih sadržaja, recepata i savjeta o zdravoj ishrani.

Aplikant: NG Dramska sekcija Savremeno umjetničke škole

Naziv projekta: „Zagrli nekog“

Odobreno sredstava: 3.350,00 KM

Projekat "Zagrli nekoga" prvi je te vrste u okviru Dramske sekcije, iniciran od strane maturanata Savremene umjetničke škole Tuzla. Projekat je inspirisan temom djece i mladih bez roditeljskog staranja. Tokom šest mjeseci, realizirat će se 10 aktivnosti usmjerenih na pripremu i produkciju pozorišne predstave koja će biti završni projekat maturanata. Glavna tema predstave bavi se nedostatkom svijesti o nepovoljnom društvenom položaju i stigmatizaciji djece i mladih u institucijama za djecu bez roditeljskog staranja.

Aplikant: Omladinski resursni centar

Naziv projekta: „Rise & Lead – Razvoj liderskih i komunikacijskih vještina kod mladih“

Odobreno sredstava: 4.900,00 KM

Projekat "Rise & Lead" osmišljen je za osnaživanje mladih kroz razvijanje vještina liderstva, komunikacije i pregovaranja. Kroz seriju intenzivnih edukativnih radionica i praktičnih aktivnosti, projekat nudi učesnicima priliku za unapređenje svojih sposobnosti i sticanje znanja ključnih za uspješno vođenje timova, donošenje odluka i upravljanje projektima. Aktivnosti uključuju radionice liderstva, javnog govora, pisanja projektnih prijedloga i simulacije upravljanja projektima.

Aplikant: Neformalna grupa mladih „Klik“

Naziv projekta: „KLIKni“

Odobreno sredstava: 6.000,00 KM

Cilj projekta je obučiti mlade (40 učesnika) za aktivno sudjelovanje u zajednici kroz edukativni program koji će ih opremiti ključnim vještinama za liderstvo, upravljanje projektima i lični razvoj. Edukativni program obuhvata pet modula: Upravljanje projektima i organizacija rada u NVO, Erasmus+ programi i međunarodne prilike za mlade, Upravljanje društvenim mrežama i promocija, Timski rad i liderstvo u civilnom sektoru, te Izgradnja liderskih vještina i komunikacija.